

香

宇

集

香宇初集

吳越間田藝衡撰

詩

秋盡品崑獨居有懷蔣二時游天目未歸

林泉霜色暮寒映薜蘿
裳黃葉高于屋青山半在牀
別情因爾重玄夢入秋長
悵望雙天目孤雲下夕陽

山中言事

居山原是癖終得遠繁華
舉世縱難合此心良不差
采花釀酒瀝水試新茶
天亦從余嬾間堦秀藥芽

其二

園林多雅事，端與性相宜。暮雨喧茶臼，秋山落硯池。
琴書存古調，鷄犬自仙姿。樵約并漁誓，猶能役夢思。

游虎丘山

山本東吳勝，高人昔遯棲。竹疑王令宅，柳尚白公堤。
飛閣清泉入，懸嵒綠樹齊。坐來羈思曠，落日五湖西。

金陵大司徒府夜侍湛尚書喫乳粥

絳帳傳經日，趨鏘與俊髦。欲成箴太速，仰止嘆彌高。
白粲青牛酪，青熬白鳳膏。從來一飯報，詎敢惜鴻毛。

春日郊居

榆柳陰遽廬，閒情亦自如。茶香春暖後，草綵雨晴初。

東海非無藥南山獨有書
潁陽風不泯此計未爲疎
寄居普明寺

春事寄浮屠相將夏已徂
伴人疎磬歇映雨一燈孤
鐵佛崇朝禮金奩候晚舖
不能捐世網寧媿老僧無
新霽山中獨步

東南開霽色極目曠平原
雨過分泉脉雲生見石痕
所之常獨返此意亦忘言
惟有王摩詰當年可共論
渡彭蠡懷謝公舊游

風日正恬和扁舟自在過
水連楊子遠山似洞庭多
暮色歸帆影秋聲入棹歌
松門從此去康樂興如何

落葉

霜染林臯重瀟然樹樹空
亂飛千嶂碧平約半池紅
細雨僧牕外斜陽客路中
秋來嗟命薄媿爾久從風

崇德送別孔宗師

相送迷前浦烟波夜正深
幾年猶子愛他日報恩心
闕里聞鳴鐸高山罷鼓琴
獨餘帆上月還照薜蘿襟

送空上人游華山

杖屨忽飄然相逢在幾年
雲飛占卓錫月白想安禪
隔嶽孤鐘到當門一水懸
還思玉井約好寄數枝蓮

草堂侍唐太史夜集時訪道來海上

翰苑稱三諫唯公四海聞
罷官門似水間道客如雲
天地行同老衣冠故混群
病多惟藥物何日遇茅君
送楊彥初歸建陽

宋玉正多愁那堪送遠游
別來初失馬歸去莫歌牛
孤鴈江村晚寒蟬驛路秋
相思何處是明月草玄樓
癸卯仲秋郊居

林壑任蕭疎秋風到謫居
不因今日弃那得此情舒
課畝時收秫分行自灌蔬
閒心銷未盡重展讀殘書
張進士曾進士特在駕城館闕展侍寄謝

野性嫌城市旋歸舊草堂
高軒來二妙陋巷有餘光

獻賦君先達，逃名我獨狂。武夷秋色迥，雙鶴正南翔。

夜泛七里灘聽侯舜昭彈琴

秉燭坐虛舟，孤桐鳴素秋。閒心託流水，逸思滿滄洲。
木落秋將老，山空夜更幽。清風起巖瀨，猿鶴共悠悠。

李天子留燕蘭谿舟中話別

幾日秋江上，停撓待起居。文旌千里外，綺席二更初。
解印惟攜鶴，留賓勝有魚。仙舟乘醉發，欲別更躊躇。

天然上人遠來山中有贈

聖世難忘武，孤忠一劍知。安邊因解甲，逃俗遂披緇。
許數原名廣，高能本姓支。我修方外傳，不羨竺乾師。

其二

耿耿將軍志當廷事亦危不嫌休職早番恨出家遲
海上初歸日山中獨往時秋風吹代草爲爾動遐思
西安贈別毛子

北客留南楚萍蹤久泛如我來知己少見爾世情疎
肘後酬恩劍懷中廣孝書河橋獨相送楓樹正秋初
初歸山居

踏雪出山去秋深客始歸鶴窺今日相雲戀舊時衣
門靜蒼苔滿愁多黃葉稀此中歌在澗莫遣素心違
澌水別李司成公

詩內渚字本作浦公日字貴
警亮可易作渚

江上從蘭橈西風起太湖孤鴻投暮渚獨鶴上秋霄
周召尊王國夔龍重聖朝離情盼行旆落葉共瀟條
李子芳自燕都回偕王大兄同訪畱宿次日將
探蔣二病阻雨不克悵望簡寄

遠游余亦事爲爾問山川淮上秋何似天涯歲屢遷
榻聯明月下杯泛綠波前風雨憐同病孤舟思黯然
游孤山登放鶴亭有懷小小洞天晚歸

半月居城市能無損素心棄閒招隱太湖樹晚陰陰
愛爾樓臺聳憐余山水深逢牕歸路遠風露冷鳴琴
早春山中喜子房兄見尋

誰拾空林草。惟君訪隱淪。盞中餘白墮。花下醉青春。
奇石皆盤谷。寒泉即瀼濱。肯從松子去。與爾況情親。
社題七月六夕咏牛女

風雨洗車塵。天孫媾宿姻。漸臺初聘望。螢室正牽神。
機鳳行投杼。箱牛欲駕輪。不須愁夜永。良會在明晨。
七月七夕咏牛女

雲漢自昭回。靈光燭上台。天桴牛渚渡。輦道鵲橋來。
綺席臨霞卷。流蘇映月開。獨憐經歲別。莫遣曙烏催。
七月八夕咏牛女

懽夢杳然分。嘉期間曉雲。朝歌悲牧犢。宵織怨迴文。

襟淚沾新浣。袞香戀舊薰。芳盟雖未訣。終是恨離羣。
讌洪庠。簿宅送何比部赴雷都。

辛苦著書客。蹉跎衆所憐。十年猶作縣。今日始朝天。
善政思何武。平刑得景全。秋風游白下。回首月孤圓。
女道士

十六鬢猶青。禪機悟自能。少年初太母。苦戒幾隨僧。
托鉢雲山錫。抄經雪院燈。婉姸如有信。鸞駕共誰乘。
燕陳太守公署兼會工部令第

太丘千石甌。三載卽勝殘。下榻風猶古。投車夜未闌。
酒香飛柅菊。幕影動芝蘭。寄謝西游客。休歌蜀道難。

十年六涉桐江有感

落葉滿行舟風濤八月秋十年多潦倒萬里獨飄流
買賦千金盡匡時一劍留子陵臺上月曾照馬遷遊
新築天寵山居

已憐多酒債不惜買山居明主能頒祿隣僧與荷鋤
數椽松下屋萬卷枕中書高卧非吾事幽懷向日摠
止居養丹精舍

家本蒼溪上青山密與隣自宜居木石端可謝簪塵
開徑當秋杪歸廬及早春所欣林壑下爲有素心人
小集周大尹諸公於故鄒少保園亭

聊持仙姥酒選勝此堂開地本平泉景人皆柱下材
看花烟月澹簇席管絃催媿匪臨邛客圖書幾日陪
游三茅山訪鄭煉師以入定不過

大隱居城市悠然寄一丘青山同入定黃葉自鳴秋
湖影搖晴榻鐘聲度暝樓三生如合道期爾在玄洲
夏日讌集雲卧堂會楚芳上人

僧堂涼雨歇蟬噪暮山烟雲影搖藤榻湖光映酒船
惠休能作賦摩詰欲投禪况對孤芳草天花滿法筵
秋日孤秀亭毗香爐峰還濯會心池有感

卧山緣不固何事入飛塵忽感秋風起歸來跡已陳

小亭多悔別青石近爲隣魚鳥能相念倏然便覺親
不食姑

身輕解御風辟穀有奇功飲水曠能碧餐霞回更紅
抱腰方鶴甚養息與龜同余獨饑寒者因君媿此躬
秋夜訪李學諭

獨夜思蕭然攜尊訪謫仙月當楓樹嶺鐘到木蘭船
多病應余弃微官爲爾憐茗溪秋水老清映廣文壺
季秋十一日賞紅梅次日復賞牡丹有感

九月霜風冽園林落葉疎春光憐醉客秋日到吾廬
東閣吟詩後沈香按樂初南山陶處士籬菊更何如

初冬游山居間子久自天目抱病東歸簡寄

不到玄齋久提壺自一過空山秋色在古樹夕陽多
霜落紅鱸膾風寒白鷺裘好奇知爾癖幾廢谷中歌
陳秋官枉駕品品遂小酌絕頂晚別

白雲殊寂寞唯爾到柴關隣舍旋呼酒溪邊共看山
咲談天上接歌吹月中還太公逢霜雪瓊杖詎可攀

閏三月十一日小集茗溪

楔事聞周洛惟傳晉永和今春重上巳游樂更如何
花傍流觴咲鶯窺卷幔歌不愁溪路遠山外月明多

山居對雨

冒雨亦登山。岳居思更玄。當牕惟獨樹。落硯有飛泉。
農候催春鳥。桑村起暮烟。太家能幾許。心遠地尤偏。
雨中玄齋茶興

積雨掩空門。虛崑小隱存。風前聞亂鳥。雲裏辨孤村。
石乳春泉漫。茶鐺午浪翻。坐成清晝永。吾意欲逃喧。
同諸兄弟避暑林氏竹西草堂

佳人有蕙心。避暑共招尋。此地多修竹。兼之以茂林。
豔歌非隔障。妙舞競銜簪。醉裏薰風起。重調綠綺琴。
訪賓山上人不遇。讀壁間姚鴻臚及上人諸作
有寄

何處避囂塵。青山有主人。閒雲無定侶。竒石是嘉賓。
姚合聲華重。清江句法新。白蓮開妙社。因爾結芳隣。
山中遇游僧。問余姓字。口占答之。

長白山林下。松風伴醉眠。清沅堪飲犢。嘉樹有鳴蟬。
不試因稱藝。游巖本姓田。迎涼班細草。趺坐話三玄。
夜燕徐八翁溪樓奉陪金太史年伯父。

良會當茲夕。南州高士居。樓中人醉後。溪上月明初。
久荷通家雅。兼傳太史書。誰知竹林燕。小阮興何如。
茗溪送李冢宰應召赴闕。

聖主恩元老。蒲輪萬里迎。此時勞側席。昔日倚持衡。

夢逐茗溪掉心懸魏闕旌金甌應卜相知已覆雄名
冬曉山南尋趙大隨興落野徑中遂游小小洞
天命酌遇雨別太

不知山路遠寒霧隱孤村看竹迷榛徑烹茶坐華門
山光邀逸客雨意促清尊別後能無念終朝城市喧
子久席中對雪

郊居還寂寞終日對方臺門爲迎賓掃簾因看雪開
獨裁招隱賦共舉辟寒杯心事君休問山前一樹梅
徐軍諮以詩翰見惠且許過環翠堂簡謝

仙游徐市竟如何邂逅相逢白鷺蓑魏闕諫書經歲

滅滄洲詩思入春多調高白雪難爲和字勒青山永
不磨自媿陳蕃能下榻青田黃鶴幾時過

社中寄子久

君住東山我住西烟霞在在足嵒棲
應見鶴子於人熟柳葉梅花與屋齊
彈劍秋風同鷲嶺垂綸夜月有蒼溪
殷勤杯卷能相接爲愛柰源路不迷

丁未季秋經始新居

西清深處結遠廬爲辦三分水竹居
種木可能開小圃浣花猶得枕通渠
獨憐寂寞千金劍不負辛勤一東書
自是文章在丘壑茂陵端合卧相如

其二

門掩西湖第一峰幽居自覺隱情濃青雲蔓圃疏新
灌白雪翻匙稻漸春無復幽風歌蟋蟀還憐楚客采
芙蓉已拚世事如秋葉欲向前山訪赤松

游爛柯山

青霞縹緲隱崆峒流水高山九曲通仙橙入雲深步
月石梁橫漢遠垂虹局殘莫問春如許柯爛那知世
不同到此忽忘身作客碧桃相對咲東風

訪九華山人不遇

茗溪一曲抱村斜杖履春風感物華橘社不逢高士

隱柴門惟有白雲遮山中猿鶴馴相近榻上琴書靜
自嘉悵望幽林獨歸去祇應今夜夢梅花

春樓艷曲

麗日鶯花艷可餐舞衣初試合承歡東風樓閣春如
海南國嬋娟氣若蘭楊柳陰多烟嫋嫋牡丹香細月
團團玉簫吹徹飛雲淨咲拂珊瑚駕綵鸞

游東蓮寺

竹樹娟娟一徑斜老僧迎客具袈裟水沈乍試清明
火石鼎旋烹穀雨茶幽鳥不驚林下語餘春猶在佛
前花耕桑未起間無事時得逍遙大士家

呂子攜酌環翠堂醉後言別

何必弦歌三徑資
衡茅應自稱棲遲
美人還贈青玉案
狂客肯辭金屈卮
呂望一絲終入夢
田單長劍獨支頤
江山午夜秋風瘦
短鬢寒燈照陸離

仲夏立十一日客邸聽雨因答家信

小樓風雨夜沈沈
竹簟藤牀秋色深
獨對殘燈千里夢
頻摩長劍百年心
分龍已得占吳諺
聞鴈何堪作越吟
寄語田園多種秫
近來惟酒是知音

己酉仲秋初歸故園

經年無計理田園
三徑蓬蒿惜漸繁
守拙自知多懶

軻屏居聊得遠塵喧。鷄豚社日。田家鼓禾黍。秋風若
水村。弃置不緣謀。已左祗應寂。莫掩柴門。

李方伯新拜大容臺兼大司成之命喜呈

寵命新從帝里來。登門殊後魏。非材玄參紫木難爲
獻禮。李天桃已競開。禮樂共瞻天地格。文章素負斗
山推。平津他日開東閣。更許儒臣拜上台。

建德夜泛寄東林元上人

曲水重山去棹遲。新安江上日斜時。已憐建德非吾
土。况復東林懷我師。楓葉盡迎秋暮落。猿聲故向客
船悲。何由乞與長明火。爲照迷津任所之。

探雙龍洞還望水壺朝真二洞天

伏澗重山路杳然琪花瑤草滿芝田人間只尺烟霞
隔洞裏清虛日月懸咲語不驚孤鶴夢酒香多帶老
龍涎白雲回首風塵斷縹緲鸞笙落九天

暮秋寄蔣二

蔣生三徑近如何爲許闌干長薜蘿有我醉鄉殊落
鬼知君詩苑獨婆娑風前黃菊論心久樓上青山入
夢多月到秋深應更好可能開卷起沈疴

招趙文德飲

憐余十載獨伶仃四海惟君眼着青此日泥塗同曳

尾何時霄漢更攄翎山川索寞詩名在牛斗憑凌劍
氣靈秋色瀟瀟行欲暮忍教懷抱向人醒

環翠堂奉陪呂通政夜集戲示喬氏姊妹

一曲琵琶酒萬鍾二喬名價占江東高人本是銀臺
客勝事猶存金谷風垂手對翻珠絡索緩聲齊振玉
玲瓏祇愁化作飛雲去翠幕低垂夜月中

蔣二來山居移刻程子唐子偕至晚別

故人不負山中約二妙翩然冒暑來洞口松陰間對
局屋頭花氣謾含杯沈沈米谷先秋在歷歷雲山傍
晚開悔別清溪獨歸去每逢綠樹首重回

寄金華鄭叔曉

金華仙客五雲端
松栢蕭蕭廳事寒
不思共推何水部
風流重見鄭都官
寸心自許才章淨
多病誰憐華帶寬
春夢遠依殘月落
江南千里路漫漫

逢故相國侍兒感賦

幾年流落在錢唐
一曲琵琶淚兩行
粧閣不聞鸚鵡喚
舞裙猶帶鷓鴣香
翠屏珠戶俱成夢
柳葉桃根祇自傷
我亦近來飄泊甚
醉中爲爾一沾裳

汎前浦

溪舍無人夏日閒
扁舟汎復水雲間
輕風桂楫平分

艾斜日逢牕遠見山沙鳥避人時欲起漁郎沾酒夜
方還長歌歸去前村月演漾清光信可攀

山居與錢敬夫敘別兼懷徐徵伯郡中之約

一春不盡西湖興還憶山中春暮時此去忽看花繞
屋歸來况對酒盈卮瑟調湘浦難爲別楊下南州有
所思林鳥似應頻滯客小亭回首獨遲遲

李起南湖廣校士初回簡訊

應聘蕭然事遠游孤舟况及洞庭秋綠知品藻懸荆
域舊有聲華重海陬赤壁古磯遙對酒漢陽晴樹獨
凭樓正平材賦胥君識此際曾憐鸚鵡洲

正月六日冒雪登風篁嶺遇明上人畱宿潮音樓汲龍井泉烹一片雲茶先是未見梅花便同登天門探早梅望江湖諸山積雪

雲際僧房絕比隣地爐留火待游人龍泓不下南零水雀舌全勝北苑春受雪梅花殊寂寞因風柳絮更精神朗然振策天門外四望江山拱玉宸

後三月三日賞牡丹會客舉塵世難逢開口笑爲今因而感賦

謾說難逢咲口開玉山無日不傾頽春心爲我多三月酒力因花盡百杯翠幕乍褰香霧嫋朱闌頻倚綵

雲迴沈香亭北應如錦醉詠誰當太白材

偕毛氏諸公重游山居時兩浙寇擾感別

絳幄猶思列起居鑑湖綠鴨久無書忽驚松下三年別又見山中四月初曲檻好花迎醉客澄潭斜日射游魚江邊正值干戈阻莫咲毛錐事業疎

夏夜有感寄子久

梧桐枝冷露華溥拂拂薰風披紫蘭蟬翼扇輕秋影薄龍皮簟老夜光寒月臨雙沼窺來近路繞前山夢去難安得玉樓三百尺青天碧漢與君看

九月晦日周令獨臨小吳山王伯子攜酒邀余

過陪因毗絕頂晚酌圓修後池盤石上

鳴琴無事識仙材迢遞籃輿坐石臺
綠酒正須佳客送黃花故向眇秋開
溪流直北歸湖去山勢從西到海回
勝地淹留歌吹晚曷彊同醉習池來

口號示蔣二

何處桃源路期君一問津
莫教花出水傳與捕魚人
折楊柳二首

恨妾舊蒲花不及楊柳枝
飛花逐行鞭得隨郎所之
馬着錦連錢郎着鐵襴褠
妾着彩袂裙共郎游四方
清隱寺

山靜人意閒。月斜松影過。孤磬出疎林。鳥聲時一和。
焦山江濱訪瘞鶴銘

不見乘軒客。空畱瘞王銘。緱山今夜月。飛瀑自清泠。
官道謠

兒家近官道。但見車馬過去。固不可返來者。復如何。
送人還鑑湖舊居

其卧山中雪。行瞻海上霞。鏡湖春事早。此去有梅花。
客中思歸

家裏無知已。家貧有舊山。更堪風雪夜。獨自棹舟還。
生聲歌二首

妾非路傍花已作墻頭草一歌雙淚垂蛾眉不堪掃
郎裙當繡鴛妾裙當繡鴛風波儻相失鴛鴦自相望
方池

方池春水綠垂柳覆魚偎潑潑浮萍散游魚欲上來
新樹紫扉

杜甫何多事紫門莫浪開若爲常不掩時許鹿羣來
山中夜坐

獨居幽澗中月照盤石上清風觸瑤琴泠泠自成響
宿養丹精舍寄琛律師

蟲屋夜來冷松竹凍積雪山僧藥興來一燈懸不滅

春日

緝巢紫燕還家課
蜜黃蜂坐衙
即非避秦村落紅雲
千樹桃花

野興

山色溪聲當戶漁翁樵叟爲隣
浪跡烟霞有我忘情
軒冕何人

仲夏西疇卽事

秧田新水綠平疇
榆樹雙啼黃栗畱
五月江南梅雨歇
風翻白苧早含秋

山居寄城中諸友

小結茅茨遠世情祇應僧到一逢迎
城中盡日喧喧裏清夜何緣聞磬聲

西湖柳枝詞二首

斷橋西首是娘家垂柳千株覆屋斜
郎別妾時初落葉妾思郎日又飛花

郎過東來妾過東金轡玉鞍好相從
如何天地無情甚却使南峰望北峰

桂林山中

五嶺秋風萬里行天香久入桂林城
蒼苔不剥崑崙石字彷彿當年黨錮名

藤縣

雨晴村舍荔枝熟風暖山城茉莉香
北客未應曾見此不妨流落在炎方

卧雲石室

十千買得屋頭山祇博雲根一覺眠
鳥語泉聲俱不到灰心聊事大柴禪

秋閨夜思

瑟瑟秋風葉亂飛小樓斜月照金徽
霜鋪萬里關山道不望人歸望鴈歸

歲晚雜興二首

自分明時弃不材田廬歲暮少人來移牀獨就南檐
日卧看梅花瓣瓣開

小園無事日逍遙獵獵霜風瘦柳條野燒入春先得
色青青辛菜已堪挑

春江送別

風帆欲發更行觴斜日重山別夢長聞道桐廬春水
惡扁舟一夜返錢唐

茉莉花字本從末從利客有病其名不雅者余
更命之曰玉香花因贈

飛瓊夜宴謫仙家乘醉扶歸白鳳車獨有麝珠零落

在曉風吹作玉香花

上泥橋曉行

湖西落月曉蒼蒼
綠樹盤旋草服涼
五月棕毛場上路
蒲葵風細藕花香

讀陳九臯集簡懷

每于圖畫瞻君面
今日看詩并見心
我欲山中駐秋色
清泉白石待鳴琴

湖心亭曲

南北山峰列畫圖
樓臺十里抱平湖
波心更有孤亭在
疑是驪龍領下珠

春水如油湧碧環小亭容與白鷗閒何由喚得靈鷲
駕游遍南山又北山

天竺峰頭天竺亭飛來靈鷲本通靈峰畱合澗千層
玉亭落湖心一點萍

穎上羅浮名並傳風光惟向武林偏東坡居士今何
在此地宜然水月禪

湖心古寺浪知名水底靈臺不日成好似青蓮花欲
放馮夷故向掌中擎

秋夜同姚子元徐後伯宿月林精舍萬籟俱寂
羣慮頓降夢中誦山靜如太古之句枕上有作

一宿僧房息衆思。新涼浙浙夜遲遲。木爨不動香初滅。正是山中太古時。

月樓爲莫氏作

一曲清歌月滿樓。得卿端合勝封侯。石城豪客如相問。不必江東喚莫愁。

重游妙智庵

歷歷湖山憶昔游。香臺迢遞白雲秋。老僧不省來時路。共倚寒松問沃州。

同張時乘孫子榮小集清華軒望桂子峰

一入名山日已斜。老僧留客醉清華。年年此地秋風

早七月峰頭有桂花

雪中雜興三首

呵凍連朝筆硯踈坐看飛雪覆樓欄閉門渾未成孤
絕鳥雀紛紛下玉除

梅花欲破不勝寒雨雪雰雰入歲闌近得山中故人
信爲言高卧且加餐

翠竹青松近若何冰花瓊葉夜來多若教移向臨春
閣翻入當年玉樹歌

冬夜夢中卽事

門對高峰月滿天山中處處有飛泉可人惟有玉摩

諸共泛孤舟下輞川

香宇初集

吳越間田藝蘅撰

詩

寫懷

天地有元氣。真響寄於詩。自從國風降。徽音淪其衰。
寂寂久不傳。離騷遠紹之。炎漢始高振。晉魏亦並馳。
委靡至齊梁。正宗遂陵夷。唐初稱四傑。猶有月露姿。
伯王提宏綱。掃去兒女詞。開元盛文章。李杜當其司。
輝前復耀後。真爲百世師。趙宋頓泯滅。元季格愈卑。
聖代開文明。聲教訖海涯。百五十年來。何李創新基。

我欲復古雅。十載勞夢思。述作尚何諱。責任誠在斯。
其二
展轉復展轉。秋夜何其長。涼風褰帷薄。仰見明月光。
攬衣步中除。孤鴻正南翔。寥寥拂鳴琴。音調殊泠泠。
茫茫何所思。我心獨憂傷。

其三

白日三萬里。旦夕度遙天。髭髮朝陽阿。濯足星宿淵。
自處苟得所。芳譽垂千年。莊周號達生。全軀食烏鱗。
何不惜金玉。澌滅隨風烟。惟有青牛翁。綿綿守其玄。
道德著妙理。後世稱聖賢。

其四

黃鸝舉千里振翮翳乾坤右翼垂渤澥左翼摩崑崙
綽綽大鵬侶相與薄紫垣翔風一失所摧落不可援
緼緼鷦鷯垂飛鳴蓬蒿園安知天地廣一枝聊自存
其五

神龍見洛川靈馬產渥水由來不世物奮迅乘時起
眇眇蜉蝣垂朝生暮還死姣姣美少年春風槐與李
白駒不自愛衰老獨相俟顏色常如花惟有赤松子
其六

冉冉小山桂芬芳無人處灼灼芙蓉花榮悴抑何遽

秋風日摧頽。漸與蓬蒿翫。回瞻山中雲。幽芳猶可御。
策馬謝友朋。拂袖長去去。原野嚴霜零。歲暮交百慮。
其七

浩浩汨羅淵。千年自澄澈。寒風吹不流。內有忠臣血。
嗟哉屈三閭。不忍宗國滅。言之苦不誑。弃置中道絕。
憔悴楚江濱。憂心恒惓惓。皇天不可登。抱石蛟龍穴。
耿耿離騷經。讀之肝欲裂。

其八

六龍遲遲行。頽光滿西山。返照若木花。可望不可攀。
百川自東之。流急聲潺潺。安得靈洲藥。使我駐好顏。

啾啾三青鳥。西去道路艱。崑崙復宕蕤。飛飛何時還。

其九

季斯入咸陽。片言竊富貴。及思東門犬。父子徒歔歔。飛鳥自投羅。遊魚自投罾。宇宙豈不寬。因之可自慰。

其十

昔聞商山翁。采芝白雲裏。三秀采九莖。喬喬間青紫。采之將何爲。聊以順所止。淮陰釣魚人。饑寒亦已矣。偶乘風雲會。從龍佐天子。朝入未央宮。暮入咸陽市。成功不可居。布衣幸爾爾。

其十一

麒麟瑞世禽本爲聖人至唐虞則爲祥春秋則爲異
晉田中夫一擊苦相害所以東家丘涕泗不忍視
素經絕西符已矣東周志上下數千載誰能繼其事

其十二

天命詎能度窮達任所之如何追羨子熙熙爲利來
命苟不可逆天實難爲欺營營刀錐末但爲達者嗤
所以固窮士簞瓢能自持歌聲出金石清風百世師

其十三

巫山抑何高神女悲離羣一朝遇襄王慰夢殊殷勤
殷勤薦玉枕香氣何氤氳歡樂亦易終聯袂從此分

暮爲山東雨朝爲山西雲曠哉千載間然曙復然
誰能解於邑愁緒常紛紜膏沐不復御椒蘭不復薰
楚君不可見悵望湘江濱寄言世道交金石何足云
浮雲度晴漢託以慰我心

其十四

芳樹翳華屋白日貯成陰有鳥西北來悠悠鳴好音
世事雖云瀆嚼盃隨陸沈徘徊此卒歲無論古與今

其十五

濯纓涉滄海倚劒橫青天丈夫眇百世何況几席前
豐隆爲我御風伯爲我傳寄言謝王帝我欲來留連

雙瞳炯日月一笑生雲烟
非非蟠桃花榮落三千年
焉能如曲士甕牖守殘編

其十六

惜矣混沌氏不能固天姿
古貌既已喪厚德亦已漓
抱仁未易處柄義難爲施
冥冥無所適窮途誠可悲
欲借洪爐功重鑄混沌時
洪爐亦摧敗使我長嗟噫

其十七

驚風鼓原野拔起惡木株
松柏何矯矯挺秀山一隅
苟逐蓬蒿罔不委通衢
致今守素心長往不可拘
荷蕢誰云在潁陽未爲愚
逍遙泉石間深藏名與軀

其十八

載酒平原上。羅列當古墳。其中何所有。中有長夜人。
奄奄誰氏子。不復見芳春。斷碣鑿爲礎。枯木披爲薪。
妻子不能顧。永爲陌上塵。奠爾一盃酒。誰能保此身。
行樂且及時。寄世客與賓。堪笑齊景公。牛山淚紛紛。

其十九

春風盛繁華。步出長安道。陌上聞鷄人。踏碎平原草。
矐矐建章宮。窸窣蓬萊島。翩翩五陵豪。遨遊苦不早。
北望首陽山。佳氣亦自好。何由采其薇。榮名以爲寶。

其二十

杜宇聲不良含血啼上苑黃鳥弄好音及至春已晚
東風不回顧桃李日彫損淒淒困窮士時去不可返
欲附鯢鵬騫西去旣已遠縹緲松下雲用以舒煩懣

其二十一

積雪滿山川直與柴門齊中有僵卧人苦寒復苦饑
十日不出門瘦損白玉姿豈無親與朋乞哀竟何之
率志可終身不爲權勢移氣焰徒煌煌卒如凍餒時
松柏耐歲寒此言不我欺緣念掃門客今茲應待誰

其二十二

少年易結交膠漆未爲固歷歷丹青言肝膽兩相厚

子戚我無歡我喜子無怒豈期世道艱蒼黃多變故
生亦不復同死亦不復顧對面隔九疑反不如行路
鬱鬱填我懷欲吐不得吐

其二十三

長劍久不試繡澁生青苔一拂日月光揮霍青天開
青天何所有玄鶴自徘徊引頸舒長鳴嘹唳震三台
豈同細鷄雛啾唧隱蒿萊

其二十四

南州盛炎德棲棲荆楚遊仰視香爐峰白雲凝清秋
徘徊煮白石安期相與儔晤言未及終倏忽咸池幽

歸去卧草萊汨汨塵埃浮西望廬山高我心長悠悠

其二十五

堯庭有靈草屈軼聞芳名容色異凡卉謂云聞氣生
能止佞人至放勳治以成自從唐虞來此草絕不萌
都俞亦都俞上下相逢迎何由扣帝閭再乞一兩莖
樹之玉階前朝宇俾永清

其二十六

美人麗且閒遠在西北方鮮鮮明珠輝皎皎白玉光
迥麗霄漢間順風揚幽芳揮手招我來欲去道路長
投我以南金報之以明璫

其二十七

附膺蹈白刃此心浪不難所畏如簧舌謗言巧相攢
姬旦失其尊伯奇失其歡皇天聽何高言之實辛酸
安得冥鴻翼附之遊雲端朝駐鄧林表暮宿弱水干
冥鴻不我待搔首發長嘆

其二十八

渺渺滄海東中有扶桑樹日出枝葉光鷄鳴歛宿霧
飛僊坐其巔獨飲花吐露西盼大地明羣生擾擾故
日入尚未休訴之上帝怒命息壽和輪萬古杳長暮
其二十九

堯欲禪天下許由非所願一自聞惡聲出門即長遯
洗耳清溪流溪流爲之溷潔潔飲牛翁視之發長恨
至今不復清世事日悶悶

其三十

京洛赫聲華金張與許史吐氣彌山河握權壓朝市
喜與春風榮怒共秋霜死寵祿焉得常淪沒從茲始
燦燦辛夷花顏色不長美

其三十一

天地布大綱六合仍括囊烈烈希有鳥斂翮不得張
却聞鷗鷺羣沙中慼稻梁時命苦無期朱槿難久芳

所以曠達士物外肆翱翔長揖神仙侶共入無何鄉
默默守天符毋須論否臧欲太更躊躇此心殊彷徨

其三十二

世人役私知鑿破大道心致使自然理杳杳不可尋
真聲反太古獨有伯牙琴咸英久不作鄭衛益以淫
子期歸九原千古誰知音

其三十三

老蚌產南海吐氣干天衢嗟嗟水族垂蘊此明月珠
羨殺采珠人貪得輕其軀懷寶賈橫禍剖腹沙田隅
奇貨不敢售一朝貢玉都天子見大悅供爲耳目娛

藉以璠璵盤從以珊瑚株詎信遐陬物竟成上國需
人患苟無畜有則生不孤殺身事可濟吾何愛髮膚
其三十四

杜若生春洲青青長自好誰能采幽獨常苦霜風早
芳心竟何如摧落隨秋草
其三十五

少年輕顏憲直以管樂居十年不出戶獨著萬言書
凌高望四野曠矚隘太虛三獻不得售隨來掩蓬廬
廼期許遠遊同駕白鹿車

其三十六

壯士能輕生誓不死鄉曲驅車向伊吾慷慨自結束
的的翠文裘爍爍黃金幘烏號挾右肘干將垂左足
臨陣捐其軀黃沙掩珠玉豈爲要令名避難生亦辱
赤血灑胡草至今不敢綠忠節永不磨耿耿史臣錄
其三十七

造物有元秘義皇啓其微有畫尚無文中藏大化機
如何老莊徒喋喋談是非孔孟正其經相公亦幾希
多言愈失真徒爲後世譏

其三十八

東海萬年枝西海千歲木開花兩相向風起香馥郁

凌空采其英采采不盈掬日月若不投明暗爭馳逐
况廼人世中得失焉可卜胡肝與越膽雖死何由咤
大運有變化人事有反覆知者執其樞何憂彼倏倏
其三十九

大丹雖有靈不可化愚頑皎皎牧羊兒近在金華山
棄去芻牧功赤松相追攀我來覓芳躅白石猶斑斑
其四十

鳳雛翼未齊頓有雲霄慕願啣簪鶴羽翱翔窺天步
蒼鸞竟高飛弁我不復顧不日六翮成凌空自軒翥
其四十一

趙舞日益倩。燕歌日益淫。大閑不復作。繽紛遊子心。
畱盼雙明珠。買笑千黃金。秉燭繼白日。羲和去駸駸。
安知王十晉。跨鶴縵山岑。非無金石膏。此疾不可箴。

其四十二

園竹癭素秋。玄蟬噪嘉樹。揚聲順清風。充飮資湛露。
瀟瀟高潔姿。本不干世故。圖像入漢冠。使我形跡污。
寄謝簪纓客。對鏡時一顧。

其四十三

我欲守其我。恐襲楊朱嘲。苟可利天下。何惜拔一毛。
一毛不足惜。仍恐羅衆囂。自從周之東。天下嘗滔滔。

如何一撮土能塞黃河濤舉世難與羣抵欲事遠逃
悠悠羨門子清標樹何高

其四十四

昔聞竹林期七子同潦倒浮沉糟丘池顏色常美好
縱狂事清談不滿世人抱豈不惜今名全身以爲寶
一盃苦無資此中有妙道

其四十五

人生百歲間憂思蚤白頭翱翔泰山顛一覽眇九州
羲和忽西沒望舒即東浮一日復一夕一明還一幽
天地且無主吾當順行休千秋御長風中上泛扁舟

其四十六

靈鷲產丹山雌鳳雄爲皇寄食琅玕丘投宿梧桐岡
一鳴徹九霄一飛遍四方風力偶不嘉彩翮難自揚
盼望閭闔門欲空不得翔君子慎出處監之求永臧

其四十七

駕言發南鄉前旌指建康繁華感六代奢侈由陳王
臨春對結綺金碧兩相望不數孔與龔麗華籠翠房
狗彘噉肥甘臣庶飫糟糠一曲後庭花擒虎飛渡江
高臺瞰蒼井生死不忍忘竟作同車俘誰爲惜其亡

其四十八

海上有三山喬松同其居呼喻日月華靈臺皆冲虛
豈不欲從遊道遠將何如飄飄遺世心百結何時攄
其四十九

君子習儒術立志良不卑不義而富貴寧死不肯爲
縲紲不蔽寒藜藿不充饑出入繩墨中舉步不敢移
良無荆棘閑道義有嚴司生蒙毀譽言死屬褒貶辭
豈學輕薄子任意於一時

其五十

青樓開綺䟽曉日迎流霞樓上誰家子顏色如桃花
笑歌有餘歡常恐白日斜調絃坐秋風瑟瑟長嘆嗟

安得同心人。雙燕紫鸞車。

其五十一

長安春色佳。宮花有輝曜。陌上冶遊郎。俊騎挾窈窕。
爛醉桃李傍。意氣何輕漂。賈誼英銳姿。洛陽最年少。
太息且流涕。遽欲更漢調。西出長沙路。天子不復召。
聞聞墮馬悲。鵬鳥獨來吊。昔日輕薄兒。視之發長笑。

其五十二

三伏暑何熾。火輪復難頽。蕭蕭槐樹陰。重重臨高臺。
拂拂薰風生。好懷與之開。豈希玉井水。鬱鬱抱沈哀。
碧雲日東馳。美人當歸來。

其五十三

太極不得固剖而爲陰陽陰陽相冲融誰辨玄與黃
至人分其原始見日月光所賴聖哲材崛起繩紀綱
三皇旣已邈五帝何可當三代漸虧喪有道治亦長
陵夷至春秋倒置冠與裳尼父遭其窮逝川有餘傷
挽之不可得棲棲仍皇皇豈獨昧行止一身任綱常
君子各努力慷慨匡四方

其五十四

青青桑上蠶時至變蛺蝶枝頭風日舒雙翅文燁燁
一飛一回高宇宙展眉睫反顧未化虫哂彼棲枯葉

迺知江湖人廟廊同事業窮通各有時幸莫較遲捷
其五十五

上古有奇士至今猶長生不食亦不衣綯綯處太清
朝吸白露華暮披玄雲英不令下民睹我獨慕其名
自媿匪所傳愁思日夜并善終返厥初庶可慰我情
其五十六

老馬卧道周其鳴抑何悲云有千里力生不逢其時
塩車駕長坂鞭策苦驅馳驅馳良有年筋力旣已疲
弃置荒野中秋風削寒肌猶有騰驤心向人每長嘶
安得孫陽顧蹠蹠惟所之

其五十七

賢人國之寶人亡國隨虛秦穆殉三良冥冥泉下居
黃鳥豈不哀千載猶歎歎嗟籠中鳳不如水上鷺
魯運路東海肯云姑徐徐

其五十八

青泥種蓮花開花如白雪貞心不可污於此聊託跡
素絲惟所染墨子悲且惜莫使氣習移慎辨堯與跖
其五十九

變化不可測蜿蜒雲中龍霖雨普八荒頃刻潛靈蹤
至人乘元化舒卷何從容舉世竟不識暗昧殊庸庸

沈醉忽鉛汞有如奧室菴何由追躍鱗公采青芙蓉
其六十

蕩子不顧家青春事遨遊揚鞭別妻孥長揖輕王侯
飄飄六合間甘死弃道周豈知杞國人遠抱天傾憂
憂之果何益鬱悒空白頭立志苟不同江水東西流
其六十一

穆王倦大寶八駿橫驅馳偶逢西王母相邀宴瑤池
黃竹歌未闌歸來有餘悲再公果何時悠悠白雲期
其六十二

心膽貴相知不然瓜葛親莫以徑寸珠暗投行路人

肉眼反不辨永弃陌上塵鴟鴞遠叔父鑕鏤賜勲臣
意氣稍不愜輕薄旋相嘖賢哉挂冠子吳門辱其身

其六十三

小小墻頭花本爲無名草春風少吹噓天天亦自好
接以牡丹叢頃刻即枯槁迺知天生材自然有成道
醜女一效顰徒使隣家惱楚莊信叔敖優孟欲絕倒
其六十四

禽獸有慈愛放麕心何仁中山擇良相誰知卽斯人
狎妻求拜將烹子求悅君於物尚不忍何況骨肉親
天道罔不昭卒以隕厥身

其六十五

振世豪傑人不理丘園事百年王者興拔起佐其治
明良慶同心頌聲永不匱日月有盈虧草木有榮悴
瓜丘隱邵平芝山遯綺季紛紛軒冕寵了不奸其志
巧出非所難金處獨不易矯矯東方生滑稽爲時棄

其六十六

疇昔雙寶劍沈鬱囹圄傍靈氣永不滅騰爲牛斗光
雌雄散良匹吳楚兩相望神物肯事人龍飛延平江
風胡已矣哉幸遇雷與張二子復難作使我徒悲傷

其六十七

代馬戀代草。吳鳥棲吳林。微禽知故鄉。何況懷土心。
鍾儀爲晉執。淒其操南音。莊舄入楚仕。忼慷作越吟。
遊子自堪悲。秋氣復相侵。尊鱸忽興思。浩然卸朝簪。

其六十八

蜉蝣翔中庭。宇宙本無礙。誰云死生促。朝夕自成代。
飛鼠苦不容。虜掠供饑喙。范睢介涇陽。穰侯危而退。
唐舉本安居。蔡澤拊其背。時事難爲期。千載發感慨。

其六十九

土階與茅茨。唐堯自安處。神禹卑宮室。聖人有深與。
豈不樂華居。哲王非所事。心思運窮民。垂訓戒峻宇。

瑤臺崇夏災迷樓起隋禍宗社竟成墟離離感禾黍
其七十

夢入蓮花峰巍巍插雲端良夜如白日明星大於盤
瀟瑟清風來玉女藥青鸞飄飄紫霞裳我我碧玉冠
手把芙蓉花石上相邀歡不能永追從念之有餘嘆

其七十一

山中有幽人招隱發高唱自飽藜藿餐不願大烹養
肯效紛華子競爲蚊蚋狀嗜慾滑天酥膏火煎五臟
朝貪利祿榮夕就鼎鑊喪至死猶不悟令人獨惆悵
幸我沆瀣姿口腹非所尚

其七十二

狂風吹飛沙。漠漠蔽阡陌。只尺不復辨。居者自朝夕。
西山古木深。中有幽人宅。時歌紫芝篇。澹蕩對水石。
楊雄草太玄。可以贊周易。

其七十三

歲蕤女蘿草。託根千丈松。不獨遠斧斤。歲寒亦相容。
如何賤妾身。百年君子從。淫雨洗桃李。嚴霜摧芙蓉。
中道即弃捐。一別難再逢。

其七十四

咄嗟市井人。汶汶以卒歲。不解窺性直。詐僞自相競。

曷知抱玄者拊掌笑一世去入無窮門嘆息訴上帝
其七十五

上古風太淳鳥獸可同居自從嗜慾生漸漸起紛拏
淪沒至季世親者日以疏慈烏哺其雛斯人反不如

其七十六

瞻彼不周山崔嵬聳蒼穹燭龍噉火來方能辨西東
俯察窮陰鄉不被二曜功妖龍鼓陸沈寰海無休風
淒愴傷中腸所憐大化工廣照遺覆盆使我恒忡忡

其七十七

村中貧家女不解掃雙蛾軋軋弄機聲夜半織春羅

寒風吹金鑷斜月照銀梭日織三丈少夜織三丈多
持來入城市先向青樓過美人製舞衣裁剪能幾何
嗟嗟十家產抵當一曲歌孤幃二十年淚雨空滂沱

其七十八

委靡久成風鯁槩不復見誰爲激其流會須特立彥
仲連辭寵榮介推樂貧賤貞石作心腸千古永不變

其七十九

烈烈秋風生快如并州刀削我庭前樹搖落如蓬蒿
寒景苦相促使我常鬱陶人生本羈旅何爲自煎熬
天亦有時卑地亦有時高陵谷忽變遷海底翻六鼇

一身付洪爐安辨骨與毛生死酒池中三萬六千遭
夜夜秉燭遊此見何其豪

其八十

濯濯國中山柯葉無寸陰豈無棟梁材斧斤時相侵
廼知千霄樹不產道傍林託根寄何所入山苦不深
鑿石種松柏共保歲寒心

其八十一

予自處腐壘自謂四海寬置之洪流中飄泊反不歡
所以山林人夢寐在考槃楚龜藏宗廟言之實心寒
其八十二

中州有豪士。不惜千金身。驅車朝辭越。仗劍暮入秦。
睚眦忿相干。白日公殺人。天子愛任俠。役爲邊城民。
延頸望漢月。回頭見胡塵。單于十萬至。迎陣氣振振。
匹馬三十戰。摧敵如有神。歸來不受賞。聊以報明君。

其八十三

昔聞韓伯休。賣藥長安市。耻爲女子知。絕跡從此始。
如何好名人。樹蘭當風倚。急急揚其香。其香亦易止。

其八十四

索居自歲年。能不懷友生。長夏草木舒。黃鳥鳴嚶嚶。
美人在何所。瞻望涕泗并。寂寞碧雲期。脉脉牽幽情。

高山與流水終當敘生平

其八十五

漢主歌風日霜威落劍花江山開尊酒萬歲樂無涯
竭來思猛士舉目興咨嗟韓彭不足恃四方將如何

其八十六

荆王產燕石何必獻楚王獻之反見疑則足徒自傷
翠幣文羽蘭焚以幽香匹夫罪懷靡多才當善藏
其八十七

右手挾趙女左手挾秦娥秦娥歌宛轉趙女舞婆娑
荒淫不可箴白目頓蹉跎來者日苦短去者日苦多

流光不爾與樂極將柰何。安知青霞翁吹簫入烟蘿。
其八十八

翔鳳覽德輝。誓不棲惡木。榛莽塞道塗。不見梧與竹。
鸞斯無遠圖。蓬岡自相逐。仲尼臨河悲。阮籍窮途哭。
出門荆棘多。竭來卧茹屋。

其八十九

郭隗說燕昭。高築黃金臺。拂衣登其巔。自薦先羣才。
一日趙客至。再日齊卿來。五穀可鬻身。何惜爲賢媒。
珠玉不吐光。終當埋塵灰。

其九十

陽春與白雪一歌良悠悠千人萬人中寥寥誰能酬
舉世寡知音此曲久沈幽何不唱下里開口誠自羞

其九十一

始皇并六國萬世此太平收金鑄翁仲示不復用兵
儒生坑幽谷愚夫築長城豈知桃源中有人避世情
清溪阻重山千載全身名

其九十二

南國有佳人粲粲三珠樹芳心比南金遊子不得慕
誰知傾城姿入宮競相妬君恩苦難專嗟嗟歲云暮

其九十三

良夜坐空堂四壁聞蟋蟀時序何易徂淒風變商律
明月鑒短襟焚香理瑤瑟太絃音遼遼小絃聲唧唧
哀鴻影瀟瀟飛鳴念其匹感我遠遊懷忽忽如有失

其九十四

矯矯五色雉甘爲虞人媒豈不念同羣失身誠可哀
呼鳴深莽中見之亦不猜牽引就綢羅彩翼俱摧頽
子雲文章士自投天祿災明哲反不孫誰能惜其材
其九十五

冥坐起遐想吾家東海濱昔聞秦祖龍遠遊慕仙人
徐生求靈藥一去幾千春修景不可延王輦載鮑鱗

空遺纜船石永夜泣鬼神

其九十六

連拳屬正鳥照影臨溪流皜皜白雪姿羽儀亦清修
飛鳴烟水中於世何所求寄謝瑤池鳳曷不思滄洲
其九十七

周道亂無象七雄龍虎爭干戈久塗炭厲鬼白日行
尼山降至聖天使開治平世旣莫我知廼抗浮海情
麟經匡王章藉以救羣生豈若李西戎默默固元初
其九十八

登高望滄海但見駕天潮我欲渡十洲疊石難成橋

迢迢方丈仙寧馨不我招日月東西馳一夕復一朝
荆棘集鷄鸞梧桐棲鷦鷯太息歸田廬草木秋蕭蕭

其九十九

出門逢行客廼是平生知道路多豺狼問君將何之
爲因豺狼故直欲叩丹墀爾心何其雄爾見何其卑
豈知行路難太公誠亦危我旣哂彼拙彼復笑我癡
君子生斯世眇躬欲何爲出固羅百憂處亦懷千悲
一別不可留所志良背馳我獨閉衡門黃河清有時
其一百

天達何遼闊晨風從地起鴻鵠敢修翎一舉三萬里

朝飲歸墟湍暮集崑崙址
贈弋無所施燕雀徒仰止
其羽可爲儀將以貽吉士

刻香宇拾遺詩敘

餘杭蔣灼撰

言之所在不能以皆合也故詩不可以不刪而意之所在又不能以皆盡也故遺不可以不拾昔人之言曰伯樂之所不顧謂之無馬可矣孔子之所不取謂之無詩可矣斯言也豈其然乎夫諸侯以貍首爲節見於周禮翹翹車乘歌於敬仲俟河之清取於子駟禮義不愆徵於子產若乃河水賦於趙衰祈招賦於祭公新宮賦於宋君驪駒歌於漢代茲皆仲尼之所旣刪者也而謂之無詩可乎及夫辨素絢於繪事解

唐棣以近思則仲尼何又自刪而自拾其遺也要之
其所刪所取皆各有至意寓焉而非衆人之所識者
矣田子子藝亦今之表於言者其所積詩文乃父學
使翁旣評且選之予又續而取之亦已訂之爲初集
矣然纔得二百篇於七千之中耳子藝捐其餘者以
謂予曰是誠可謂棄去之駑駘而伯樂之所不顧者
也因皆欲付之於祝融氏予歎曰嗟乎忍哉夫文人
聚元精縈巧思剗目鉢心指擢胃腎或游神于雲表
或角捷于席前或攷索乎遺編或呻吟于旦夕其攻
之不遺餘力矣其得之良不易矣而乃混玉石於俱

焚可乎夫良工之於金也遺其沙不遺其金也良匠
之於木也遺其屑不遺其材也儀狄之於釀也遺其
糟粕不遺其酒醪也今二百篇之外豈盡無所合者
乎豈盡無意之所在者乎豈盡皆可刪而卒無可取
者乎夫良金入冶而必躍椒檀遇焚而必芳使嘉言
煨燼焉知不鳴寃於烈焰也於是復拾其所遺者凡
一百三十五篇以附之卷尾而又輟然以謂子藝曰
是可以謂之無詩也乎哉然予與子也惟知工于詞
不知工于求是尚有遺智也衆人皆進我獨退衆人
皆工我獨拙是尚有遺行也竄伏草野卒歲窮年是

尚爲聖世之遺民也而誰與拾之耶子燕笑曰姑
舍是

嘉靖三十三年仲夏穀旦

香宇初集

拾遺稿

吳越間田藝衡撰

詩

九鑠峰

龍宮深九鑠旭日九峰開
曲曲春風異遲遲遊騎來
青松文舉宅白鹿叔玄臺
聞有遺丹在何由度劫灰

晚晴

輕雷未收生夕暉明霞忽地來
柴扉苔痕紅白杏花
落簾影差池燕子飛
前溪後溪水皆滿舊雨新雨人
何稀山妻勸我且潦倒惟有壺觴願不違

行路難

妾身小小在長安爲君請唱行路難行路本易妾自
難一聲淚落雙闌干一尺鷲箏千丈線馮仗春風上
霄漢在君掌中君不持似妾恩情中路斷行路皆易
妾獨難冰山反熱火山寒何由化作焦桐樹得向知
音膝上彈

李夫人

劉郎無計畱傾國翻身飛入神仙籙昆靈池冷龍膏
光怕歌落葉哀蟬曲秋風吹凍文螺酒歡贈蘅蕪香
一束暗海樓船泛少君歸來祇刻潛英玉相將顏色

護輕紗一樹桃花隔彩霞
靈夢臺高望不見月明如
水叫棲鴉

采石懷古

以下三篇并初集金陵諸作
皆年十一

白玉樓成招太白青山相對憶青蓮
寥寥采石江頭月曾照仙人宮錦船

烏江

亞父筵中策虞姬帳下歌天亡非戰罪
如此大江何遊醉翁亭遍覽醒心壯懷諸勝

小亭佳句在幾度醉仙翁泉醴于今綠
山花似舊紅馬嘶松徑日鳥語竹林風
年少成遊覽馮凌江漢東

車輪歌

郎爲車上人妻爲車下輪輪心三十輻輻輻多苦辛
終身得與郎驅馳妾雖辛苦亦不辭

豐城劒池

以下四篇并初集嶺南諸作
時年十五

神物已化去石匣古池頭亦有腰間劒應無射斗牛

南昌即事

彭蠡秋波闊扁舟去故遲漳江秋草遠千古有餘思
斜日滕王閣清風孺子祠更堪廬嶽秀瀑布向人垂
潯州觀龍舟

沈湘千載事此地亦招蒐競渡潯江午操舟白浪昏

錦標天外奪畫鼓鏡中喧佳節從夷俗臨流酌一尊
遊桂林七星岩

六憚灘江惡駭驚八月秋山形聯北斗地脉盡南州
化洽蠻烟息風清桂氣浮天涯千萬里是處有奇遊

禽言五首

泥滑滑泥滑滑車輪摧馬蹄蹶行不得其汨沒勞者
未息居者發泥不滑泥滑滑

姑惡姑惡嫂不樂阿婆信小姑新婦將奈何

行不得哥哥不在太行之山與黃河足長羽翼齊其
如網羅多行不得也哥哥

提壺提壺花開有酒急用沽昨日公侯今日奴朱門
夜夜啼黑鳥提壺盧提壺盧

不如歸去不如歸去西山之木可以處西山之粟可
以茹燕雀非我群我不樂從女不如歸去不如歸去
春情憶湖上

湖上誰家好草堂門臨湖水淨含芳弄晴恰恰林鶯
轉帶雨垂垂岸柳長畫舫欲移春換景美人半醉笑
生香十年心事隨時異把酒看山媿楚狂

桐樹爲啄木所穴

斷崖桐水綠綺枅中有蠹虫心欲灰一鳥啄之除其

舊柳雖傷蠹則已餘材琢爲琴尚可獻天子五絃彈
出音丁丁猶是山中啄木聲紀官若能以此鳥棟梁
蠹害何由生

卜築別業

刺促吾何事新晴出近郊獨行蘭澗上時卧竹山坳
別塢春雲滿鄰僧晚磬敲考槃高唱罷終卜此誅茅
環翠堂賞紅芍藥

牡丹零落未多時點檢花情定酒期艷影入簾紅芍
藥暖香飛竿綠酴醾賓朋幾盞金蘭厚歌鼓頻催玉
漏遲明日子規湖上路楊花柳絮有餘思

鴻溝會歌

芒碭真人何豁達
白鹿先禽局紫闥
拔山小兒叱咤
來寶刀直把鴻溝割
錦衣玉食樂未央
獨夫頽然眇
漢王筵中老奴氣
欲死縣腰玉玦三
翻光妖童燿爍
尊前舞叛臣
天遣翼真主
屠狗壯士排和門
雙眼裂
血猛如虎
赤龍乘時去
不還烏騅無力載
紅顏爲余
寄謝圖王者
不在區區擊刺間

蚤春後園雜興

三徑乘閒獨往迴
不妨滿眼盡併壘
醒勞醉逸君知
否
今日高陽幾箇來

鐵梗猩紅着海棠霏霏朝雨出新妝似嫌蜂蝶無端
開不放花心一味香

丁香花發雨初晴雀頂山茶更有情各自得春春自
好東風問着不知名

柳絲無力尚三眠軟軟東風淡淡烟瘦倚玉闌扶不
起嬾將青眼向人憐

牡丹亂茁紫茸芽玉篆牌分幾品花待得杜鵑枝上
綠天香未許洛陽夸

紫綃輕簇瑞香毬自是珠宮第一流萬戶千門春色
滿多情多恨爲多頭

宜男初吐絲茸茸傍砌重抽芳藥紅竹輒荆籬須漸
補莫教雙鹿過庭中

十畝園如天地寬儘教赤白弄雙丸但將麴蘖爲龍
虎便是仙家九轉丹

洗衣曲

洗衣溪水濱水清衣易白何處打漿郎放歌柳陰刺
妾所澣姑之衣蕩子遠遊行當歸不學耶溪浣紗女
臨流但數鴛鴦飛伯勞東去燕西向小姑已在門前
望小姑十三心事多極能平地起風波

見人臂蒼鷹

蒼鷹志萬里戢羽不能飛莫言荆棘滿山澤况復雪
深狐兔肥

山居

不惜此中淹山林可養恬閒緣天若許固疾我何嫌
樂水非偏知貪花或喪廉平生任窮達休倚蜀人占
夏日藕花居

松栢重陰晝掩扉水風涼處鳥孤飛偶因梅雨不來
久閒對山僧得所依竹葉青青香入錢蓮花冉冉色
侵衣此時心賞良自好遯莫人間萬事違

寄子久金魚

三十六鱗金鯉魚盆池猶可伴離居故人不用呼兒
割近日嵇康嬾寄書

白綾謠

東湖頭點燈西湖頭明誰家巧女織白綾織得白綾
三丈八要與哥哥做雙襪一雙襪寸寸量何用白綾
如許長男兒慷慨志四方明朝結束辭故鄉遠遊歸
來襪若破阿奴慧織還慧作

趙子昂畫天廐圖

想見春風立仗時輕裝寶轡不聞嘶先王八駿都零
落一任奚奴自在騎

哀三殤辭

丙午年作

哀三殤者爲亡兒瑞元祿元亡女育娥作也淚瀉于
心情見乎辭辭曰天在上兮何爲地在下兮何爲嗟
兩間之容物兮而獨于我乎支離首舉雄雛兮娟娟
如玉曾未四旬兮天奪之其何速繼得弱女兮雖非
男而怡顏忽能呼弟兮亦夙慧而識環女能戀母兮
兒戀郎罷父母愛女兮蚤年許嫁兒未及晬兮俄然
物化女甫三周兮越九日而隨謝女有夫兮人未成
兒尚乳兮難爲情衣以殮兮棺以盛坎以掩兮傍祖
塋弟依姊兮妹依兄生既同胞兮死同行獨父母兮

焚焚空懷抱兮無庸生乍嬉戲兮婉轉雙遶膝兮笑
宴忽埋玉兮陽山痛呼號兮不見乍欲別兮心傷猶
哭呼乎爺娘知一去而不返似永訣而彷徨白日沒
兮再起飛燕歸來尋故壘何冥途之遙遙三殤偕往
兮長已矣天地慘戚兮色如死灰淚少于血兮恨不
得同遊乎玄臺夜以繼日兮惟悲哀竟如有知兮當
歸來夢中見汝兮仍嬌態群然索果兮特憐愛孤燈
昏黑兮醒何在含涕吞聲兮恐傷余配形未即隕兮
心已碎情之所鍾兮不容貸客有吊而慰之者曰盍
觀鴻濛萬有皆空彼孰爲子爾孰爲翁子夏喪明三

罪在躬東門不憂無子寔同返于無物天地始終孰
彭孰殤爾何忡忡

浙江秋泛

舟楫南人事而余憚險行臨深曾有戒浮海亦何情
渙浦潮初落西陵月正生長歌風激烈猶恐卧龍驚

孤秀亭

樹杪出孤亭春圍四野青坐來花正發欲去酒重醒
海月供杯淨山雲入枕屏乾坤寬不碍隨處可鴻冥

望夫石

望夫山上頭影落秋江水江水日夜流妾影長如此

夫攜妾手妾下山秋江之水空潺潺

妾洗馬

郎向長亭別妾時妾秣白馬與郎騎青山隱映一點
玉人白馬白能相宜東風吹綻長亭柳三歲闌干不
回首文園雖戀茂陵兒臨邛莫弃當歸婦攤錢上鏡
願不違祿馬土封行人歸坐聞班勒嚼枯柳半信半
疑還是非緇塵染人何易黑衣裳如漆馬如墨妾當
洗馬先洗裳郎心可洗黑不妨

腰劍詞

身如百圍竹少小立大節七尺劍不磨猶染腥家血

燕集洪子美山池

城郭終何事，還憐杜少陵。共尋張樂地，况對盍簪朋。
花氣流琴濕，山容過雨蒸。主人能好客，琴有酒如澗。

山居懷友

春山朝往暮往，春草日長夜長。好花千樹鶯啼，把酒
不堪獨賞。

題徐處士隱居

白氎巾籠紫玉簪，身如孤雁坐幽林。數峰環翠齊當
戶，萬樹飛紅亂撲琴。醉後肯爲明日計，靜中自見古
人心。一區不惜能分築，抱甕相隨老漢陰。

秋日閑愁夢中作

千里關山萬里雲登樓秋暮更思君
風高鴈陣難成字箇箇斜飛背錦文

遊龍華寺

慈雲嶺下藉田東松徑深沈影殿空
隔竹鳥啼秋色淡渡江颿亂夕陽紅
錢王瑞壘荒園在宋室園丘蔓草中
試問老僧興廢事古池曾說射飛鴻

官人斜

一生夢裏侍君王花落鶯啼古道傍
縱使春魂化蝴蝶也應不忍到昭陽

秋田郊居有懷一二知己

依依鳬鴈落迴塘
九井江南熟稻梁
風捲釣絲秋水碧
日搖楓樹晚山黃
柴門掩映芙蓉隔
籬菊參差麝藥香
心事惘然成獨酌
音書猶自滯遐方

柳枝詞

早春楊柳乍抽芽
記得郎來唱采茶
萬縷千絲春易老
尋郎不見亂飛花

一樹長亭又短亭
月鉤何處帶三星
往來車馬知多少
只待郎來眼對青

嫩綠垂垂百尺長
參天著地挂肝腸
行人且莫輕攀折

折留取郎來結馬韁

結音計

腰肢憔悴怕經秋
舞向斜陽恨未休
若得折來郎掌
上娟娟依舊逞風流

酌通玄觀萬玉軒示郁道士

曾從勾漏訪丹砂
又向通玄泛紫霞
羽士自將泉嶺
酒野人方以醉爲家
萬竿繞砌湘妃竹
三朶籠巾貝子花
望佳亭中星月白
焚香能伴誦南華

冬日五言

瘴癘朝寒不耐煩
茅檐亦自暖溫暾
也知向火強于
日只有梅花笑不言

采菱歛

白露初過秋水澄
女兒約伴采鮮菱
凌波人去水花
在恰似奴家鏡六稜

滿城吹得水風醒
知是吳兒賣老菱
四十萬家都食
懣也應無分到山僧

南湖覽東嶽泉石之勝

不及西湖好蒼茫
禾黍秋風回惟綠
野雨過即洪流
夾道松篁密沿溪水
石幽虎嘯亭上路
曾記郭文遊
二月紅梅始盛以
桺柳間之戲爲解嘲

寒勒紅梅晚春分
始滿庭向人渾欲醉
對爾尚能醒

香信原無匹花神更有靈不妨桃李笑柳眼自垂青
送梁子歸五羊

美酒無論斗十千江頭且對別離筵亂啼黃鳥花欲
落獨送故人春可憐烟波萬里昔曾去風塵滿地今
則然若逢庾嶺梅花發定寄一枝來暮天

綠萼梅

有仙人者萼綠華爰乘翠鳳歸青霞芳魂化作先春
花白梅是姊紅是妹雪操冰姿琴絕代桃李終然兒
女態草堂日暖三妙俱牀頭有酒不用沽山人醉即
稱丈夫

西湖賞黃牡丹

何必移春檻孤山花滿堂
天才誰李白國色爾姚黃
颺日遊絲輕翻風翠幕
香油囊琴有酒乘月且飛觴
聞李起南臥病月下有懷

茂陵多病近何如
况是虞卿苦著書
此夜鳳皇山上
月絳幃高揭伴離居

秋日

霜葉飛紅欲滿林
悲秋倦客此時心
寒江瑟瑟芙蓉
老虛館瀟瀟絡緯吟
天上有靈雙舞劍
人間寡和一
鳴琴故山無恙歸來晚
醉折黃花羞自簪

天長寺

旅處亦僧舍岑寂性所便
榻外方丈地墻短不及肩
舉頭見紅塵雜遝比市廛
松栢無古柯蓬蒿滿墻前
上人不出門盡祛文離禪
每以法眼觀壺井皆林泉
口體累世人猶爲衆生憐
况余目力者碌碌感長年
青山一枯筇歸去白雲顛

夜落金錢花

玉帝應憐窮處士金錢夜半擲
山家笑予復自媿銅臭化作秋風萬樹花

臨安行

契丹羣幕覆汴京趙家二帝狩虜庭牧羊胡雛據大
寶山河尸血酸風腥翠蓋翩翩自南渡盤荒無復中
原顧天目山崩王氣銷白鴈飛來沙上駐繁華一百
五十年冬青樹下珠王攢兒童傳得宋時語至今猶
說錦臨安

閏九月九日橋李屠氏賞菊

閏月俄臨九陽辰復遇重菊花催節序竹葉泛秋容
歌似文峯和人疑甘谷逢明朝烟雨道湖上采芙蓉
趙仲穆風雨歸莊圖

萬水千山今是非疎林落葉掩荆扉瀟瀟風雨迷秋

草惆悵王孫何處歸

途中逢蔣二

河梁揮手去殊慰別來心
斷鴈暮天遠行舟秋水深
所思憐獨厚相見媿同沈
莫惜奚囊罄坐談楓樹林

栢中栢

桑草本無私

李太白有桑中草詩

松蘿諒有依豈若栢中栢
兩

木同芳菲栢葉何青青
栢花何緋緋雖知異感寒幸
好共春暉託身荷得所
金生聊可希

掘柘舞

娟娟雙女童對舞蓮花中
玉容弄春月金鈴揚商風

尋高山人隱居

高風愛幽棲重來曲徑迷
樵人能指視只隔數峰西
晚節將逃世春泉自灌畦
庭中花亂落謝豹向人啼
西湖懷友有寄

平湖十里芰荷秋落日重生賦
別愁少婦能歌竹枝
曲故人曾倚木蘭舟
蟬聲隔水風蕭瑟鴈影橫江信
阻修知爾雅懷良不負一尊相待碧山頭

謝孫太守惠曆來年閏三月

正朔新頒到海濱
賢侯敬授及茅茨
萬年帝曆傳天
統四季民風協土宜
野客自看芒種日
山妻休問上

官時喜逢百二春光好擬和興公兩硯詩

夏日送友

新竹過鄰塙蟬鳴夏正長薰風吹廣陌涼雨起微涼
有客歸南粵開尊餞北堂莫辭同倒載帶甲滿江鄉

鷓鴣

秋水融融沒釣磯晚風斜日柳花飛漁郎逐伴穿魚
去對對鷓鴣曬羽衣

贈隱者

山中雷雨過階下蕨薇長有客聽春鳥高眠在竹牀
飯春雲母滑茶摘露華香對爾重忘我神仙事渺茫

七月十五與美人泛月西湖觀放水燈
謾說峰頭十丈蓮西湖花放月初圓
搖移風浪明還滅
蕩漾星河斷復連
槎貫斗間驚犢飲
犀燃磯下懼龍眠
夜遊秉燭真吾事
況有佳人似水仙

寄靈隱寺僧

避暑深松憶昔年
飛來峰下許逃禪
葛巾不裹迎涼久
竹簟頻移過午眠
霜刃削冰輕似雪
溪樓呼酒冷于泉
遠公舊社應無恙
誰與微吟采白蓮

竹枝詞

阿娘拘束好心癡
白玉闌干護竹枝
春氣到來抽亂

新集之抄遺
筓石頭縫裏出芽兒

姊妹猜疑不肯容
投桃報玖又成空
竹竿引水非難事
一節通時節節通

若箇郎來討竹秧
雌雄須得要成雙
明年此日春雷發
管取嬰兒脫錦腔

三徑難開小院深
忍教獨竹不成林
何如憔悴柯亭上
也得中郎一賞音

九月桃花亂開

誰言秋索莫此地
自天台忽見桃花發
番疑春意回
感時稽徃牒爲爾覆餘杯
却笑籬邊菊含情不忍開

初秋寄友人

塞鴈度西樓懷人獨夜愁
渚荷初過雨湘簾早驚秋
夢去關山遠書來歲月悠
西風將別恨吹斷碧溪流

西湖

遊遍天涯有此無秋來風味獨
西湖紫螯佐酒尖膾
蟹紅鱠飛刀巨口鱸楊柳參差迷
院落笑歌迢遞出
蒲菰醉中記得孤山曲曾有佳人解佩珠

無題

雙鬢蓬鬆睡起遲羞郎不忍更揚眉
恩多底事成深
怨室邇空勞繫遠思豆蔻有情終結子
楊花無主漫

垂絲一尊相對翻惆悵離恨天高暮雨時

待月有懷

放歌待月上東廂白袷衣輕夜氣涼河漢橫斜天似
水菱荷零落露爲霜悲秋骨瘦原非病戀酒情多底
是狂南國故人音問杳一尊何處共清光

品品四時

品品春事好花發不知名疑有幽人語新鶯求友聲
品品夏情多寒泉落虛谷涼風如有期一徑入深竹
品品秋興長雲白山愈菁茶罷日已晚落葉堆空庭
品品冬思幽門映積雪閉凍折古松枝棲雀向余吟

聽胡琴

琵琶本是胡中樂，破半何堪軋兩絃。
一曲燕山淚如雪，翠華歸去已多年。

梅七至自都下將歸永嘉贈別

梅福欲何之，江南大雪時。
恨無調鼎用，空有贈春詩。
且索巡檐笑，生憎短笛吹。
仙遊逢萼綠，好寄向南枝。

曝日

茅屋蓬窗盡，何東擁裘不覺日。
頭紅僂僂一覺甜，如蜜肯向人家乞火烘。

秋夜獨坐

暝色赴虛樓
蒼聲四壁幽
孤燈寒映雨
枯葉亂鳴秋
丹餌何時就
明珠莫暗投
寸心千萬里
獨坐易爲愁

食新筍

三餐惟有新
春筍自信侯鯖
且不如畱待成
竿應更好欲教
肺腑鎮清虛

遊崇壽寺俗呼劉娘子寺

宋妃以紅霞帔得幸

老僧解說劉娘子
古殿風高香火深
松檜亭前連理樹
鳳皇泉上合歡禽
紅帔得寵憂移寵
翠蓋灰心戀捧心
獨有官人斜畔月
祇今寂莫照寒林

春思

斜開小徑綠苔封幾樹櫻桃花正濃幽思着春渾沒
賴更教雌蝶趕雄蜂

訪蔣子久有贈

小隱東鄰自一家西風籬落老絲瓜林間棋局人初
起雪繞闌干山易遮與爾且須傾白露此情終不負
黃花岩堯天柱峰頭月獨伴瀟瀟鴈影斜

浙江詞

秋風卷入海門關白浪高於龕赭山直向富春祠下
過寒流常帶月明還

海上天吳駕六鼇祖龍鞭石不成橋沙中鐵箭三千

尺聞說錢王曾射潮

素車白馬送潮來伍子胥神起怒雷幾度寧前歌七
發千年枚棗有奇材

自石人看八月濤就中十八浪能高弄兒出沒烟波
裏手舞紅旗戰海鰲

映江樓上指潮生萬艇迎潮水底行南人經慣如平
地北人一見夢魂驚

杜老莫須愁瀟灑謫仙應復懼橫江看余一葉滄溟
去誰道風波不可撞

訪無所上人蘭若

欲尋山下寺不憚雪中行何所藏空色因無見死生
數峰寒更瘦一室冷愈清坐久聞鐘磬江城月漸明
有感

玉樹孤芳湖水西春風淡淡自成蹊于今重爲闌干
護明月瀟條夢亦迷

午夜笙歌列綺筵滿庭飛雪映嬋娟有人醉憶傷心
事獨背銀燈泣少年

半爲愁來半酒來也應無夢計陽臺醒來但覺餘香
在知爾行雲空自回

對綠萼梅有懷得品字

枯幹看花尤不凡耐寒顏色齊松杉
竭來茅屋春已到忽漫蕉筒酒易
衍仙子綽約本萼綠主人寂莫惟
游品同心欲贈那忍折聊拾落英
和信緘

社散逢西村病叟

社散諸孫競笑歌老翁衰白卧山阿
能言五十年前事不似于今賦稅多

冬日閒居

門對青山重複重東雲深鎖玉芙蓉
風搖古木驚鳥夢雪積窮厓斷鹿蹤
蒲楊夜寒詩正淡茶鑪春暖醉方濃
南檐幾樹梅花發安得幽人共倚筇

西湖春詞

十三十四女兒家姊妹雙雙弄彩霞笑向玉蓮池畔
去金錢亂擲買荷花

錦馬穿花十八娘春風吹過草生香珊瑚鞭墜不回
顧却折柳枝三尺長

秋日江上逢友

倦客方憐我他鄉復遇君飄牧江上月跡散水中雲
蒲柳悲秋老襟期惜夜分西風吹短笛寥落不堪聞

贈越僧

閒過青龍寺來聽白馬經禪心殊寂寂世味幾惺惺

曉月隨藤杖秋泉滿石鉾折蘆何日去因爾破滄溟

品品日月

品品何所宜朝見東海日我欲飲其丹于此抱真一
品品何所宜夕見西山月我欲餐其黃庶幾煉仙骨

茗溪待渡

湯家渡頭紅日低雲白落花飛滿溪老婦隔岸牽竹
筏橫魚觸網翻沙泥草連張堰放黃犢葉落仇山啼
錦雞便欲從流歸震澤烟波莫遣子同迷

雨中竹

風雨入空谷敲碎青琅玕丹鳳棲不穩翀天振羽翰

郎也娘有序

吳女好歌而歌竟必唱郎也娘三字以媚其
音蓋亦雙美之辭也于是引約其意以助春
情雖淫聲非國風之所宜而新詞亦樂府之
不弃況下里固知其多和若大雅益見其不
群矣郎音浪也音曉如款乃之乃

桃花亂發李花香是處能歌郎也娘若箇逢春不遊
蕩輕紅淡綠闌芬芳

少年娘見少年郎惹得人歌郎也娘野草間花隨處
好任教蝶浪與蜂狂

寒食清明春正忙
麥青豆白菜花黃
方山頂上燒香
云此際宜歌郎也娘

鴨脚花開楊柳長
十家兒女九家狂
鶯鶯燕燕無拘束
不負人稱郎也娘

題盧處士幽居

曾識盧遨宅
清溪古木疎
解琴調舜雀
施飯引遊魚
海嶠秋如畫
山僧晚寄書
自能留不去
月色照蘆條

途中

日暮馬欲歇
山深途尚遙
客懷方落落
秋色更蕭蕭
古廟狹成穴
危流木作橋
夜分城郭近
猶聽紫鸞簫

品品辟暑

一逢三伏暑日日到玄關五百步非遠十千縉豈慳
解巾高挂竹散髮卧看山要識無懷氏孤雲去復還
春怨

感君恩重許君身妝束春來更斬新着意待君君不
見含羞那敢問傍人

冬至遊品嵒

陽和潛向酒杯生長至田家更有情歲晏已無農事
擾稅完兼得飲資羸日斜村外牛羊返雪凍檐前鳥
雀鳴何許閉關成獨坐梅花勾引小山行

少年行

馬上誰家郎濯濯春楊柳飲酒不數錢笑指當壚嬾
秋夜聽張嬌彈琴

趙瑟秦箏樂已耽阿嬌一曲解沈酣都將白雪心中
事寫作清風指下談塞鴈不來秋七八湘簾半捲月
西南知音爲爾渾無賴落盡庭花思正憨

長門怨

長門春不到青草亦爭妍妾意何曾妬君心昔自憐
古來貪寵者誰不忌材焉還有茂陵客著書多歲年